



Tir Yimym

www.tiryimym.in

Regd. No. RNI. NAGAAO/2004/13113. Postal-NE/RN-717.

e-mail : tiryimym@gmail.com

TAPAK 7

Yangia anidakangma :

f Tir Yimym

ig tiryimym@aolima

yt tir yimym

TAPAK 8

Japan nung G7 senden atema
US Tir Joe Biden tongogo

Nick Kyrgios French Open
nung shilem magitetsü



VOL. XX NO. 216 (ADOK 216) DIMAPUR ROGONÜ (FRIDAY)

MONUPII (MAY) 19, 2023

₹ 5.00

ST/BT aser Indigenous certificate tapi agi magütsütsüla: NSF

Dimapur, Monupii/May 18 (TYO): Area Administrative officers ajak dang village council aser GBs tem dang tebu Naga nung masüba tanur mesüra Naga nung adopt asüba Naga nung masüba tanur nem scheduled tribe/Backward tribe/indigenous inhabitants certificates magütsütsü totuyuba agüjang ta tawa Deputy Commissioner, Kohima ajanga sangdong ka nung metetdaksüba atema pelar, ta Naga Students'

Federation sangdong ka ajanga ashi. Government of Nagaland ajanga iba atema June 11, 2012 nung pangzüng renema aliba pela agüziker. Chichiba Naga nungjeri shiba ta jangjatsü atema 'Nagas by Blood and not adoption' ta NSF tangatetba pangzüng den ibai puteper. Anungji Federation ajanga ajak dang iba totuyuba shidak amshitsü ayongzüker, ta NSF sangdong ajangasa ashi.

DMC ajanga Dimapur nung RRR sentong tenzüksü

Dimapur, Monupii/May 18 (TYO): Dimapur Municipal Council (DMC) ajanga par jurisdiction nung reduce, reuse aser recycle (RRR) centres tem amenoktsü atema hopta asem capaign ka tenzüksü.

campaign ya ayongzüker. Iba campaign tenzüksü sentong nung village council chairman aser GBs ajak dang arua adentsü ayongzüker, ta DMC ajanga sangdong ka nung ashi.

Iba campaign ya Union Ministry of Housing and Urban Affairs indang Swachh Bharat Mission 2.0 (U) nung aliba ama 'Meri Life Mera Swachh Shehar' omen kübok Dimapur District Sports Complex (DDSC) nung May 20, 2023 anüngdang 11:00 ako nung tenzüksü.

RRR competition ka May 20, 2023 nung June 3, 2023 tashi alitsü aser ibai colony ajak (ward shia colony ka) atema alitsü, ta DMC Administrator W Manpai Phom ajanga Brehostibarnü sangdong ka nung ashi.

Iba campaign ya June 5 nü World Environment Day nung tembangtsü aser iba mapang lipajen müreka ayutsü atema tenangzüksü agitsü.

Iba tetoketpa nung Self-Help Groups mesüra NGOs nungia shilem agitetsü saka pei colony council nungi No Objection Certificate alitsüla, ta ashi.

Nüburtemi aben-süoshi, tsüngsem, kaket, kazütsü, osangkaket aser single-use plastic maden plastic osettem tanaben amshitetla aser yanglutetba osettem bendentsü asoshi RRR centre tem amenoktsü nükjidong nung iba

Shilem agiba colony temi anogoshia mapa inyakbatem video tatsütsü aser noksa tem (GPS noksatem) tangoka bendentsü metetdaksü.

Dimapur DPRO office kima ki bendoktsü



DPRO Dimapur indang office kima ozüng alema yanglua aliba ki tem May 18, 2023 nü agientsü dang tangokba noksa nung angur.

Dimapur, Monupii/May 18 (TYO): Deputy Commissioner, Dimapur, Sachin Jaiswal IAS totuyuba nung ajemdaker SDO (C) Sadar, Yanthungbemo Kikon-i anir district adiministration, GBs aser Commissioner of Police, Dimapur nungi police temi takog nua May 18, 2023 nü DPRO Office kima ozüng alema ki o jen yanglua aliba agientsüo.

contractor temi Multi Media cum State Convention Center ki yangluba maparen temonutibaia Hombarnü nungibo tenzüksü ta shiogo.

Nisung kari ozüng alema nija asoshi ali agiyonga aruba ajanga iba tesem nung Multi Media cum State Convention Center tang tesüdak aliba nung tetsükdaksü ajurua liasü.

IPR Department tentüng nung DPRO Dimapur, Lolano Patton-i Deputy Commissioner, Dimapur, GBS aser Commissioner of Police dang pelaba lemsatet. Ozüng alema ki o jen yangluba agienja sorkar li wazüka ayuba atema pelar, ta lai ashi.

Ali agia aliba mürekteta yangji ki yanglua aliba agientsüba sülen

Iba ali/tesem azüngtetba mapang DPRO Dimapur den Directorate of IPR nungi Joint Director Simon aser Assistant Director Atuzo nungera liasü.

Ayush hospital atema Minister Paiwang-i teyari lenmang bushir



Vigyan Bhawan, New Delhi nung May 18, 2023 nü National Ayush Mission Conclave alidang tangokba noksa ka nung Minister, Health & Family Welfare, Paiwang Konyak aser ketdangsürtem angur. Iba sentong ya May 19, 2023 nü tembangtsü.

Dimapur, Monupii/May 18 (TYO): Minister, Health & Family Welfare, Paiwang Konyak-i May 18, 2023 nü Vigyan Bhawan, New Delhi nung National Ayush Mission Conclave sentong nung jembidang, Nagaland nung tang tashi menatepa aoba tashidak den rarar aser kasa mapang memenatetpa tashidak tema tali kumogo, ta ashi.

Bedded Integrated Ayush Hospital ka amenoka 2022 nungi shirangertem anepalua arur, ta Minister Paiwang-i ashi.

Takum libaliru dak sendakba nung taoksatsüka tashidak tali akumba mapang health care nung Ayush system tetsüng ajemokra state kanga anisungzüksü, ta pai ashi.

Tang Nagaland nung teinyakdak project temji Sapangya, Mokochung nung 50-Bedded Integrated Ayush Hospital ka aser Yachem, Longleng nung 30-Bedded Integrated Ayush Hospital ka teyangludak lir, ta pai metetdaksü.

Nüburtemi Ayush mozü amshiba ngua kanga ajungmesor aser tanem tanemi Ayush mozü amshiba tali akumer, ta pai ashi.

Co-location Ayush facility kübok CHCs/PHCs aser Ayush hospital aser dispensaries tem yanglushiba nung yari.

Government of India teyari nung Nagaland sorkari Dimapur nung 10-Bedded Integrated Ayush Hospital ka amenoka lir aser yangji 2016 küm October ita nungi nüburtem yaria arur, Noklak nung 30-Bedded Integrated Ayush Hospital ka December 2018 nung amenoka shirangertem anepalur aser Razha, Chedema nung 50-

Ajisüka tesüba küm ishika state-i 'approved outlay' mongutet, anungji tang teinyakdak project tem nung timtem ajur, ta Minister Paiwang Konyak-i ashi.

March 27 nü Manipur High Court indang Justice Muralidaran

Taoba 2022-23 mapang state-i 'total outlay' shilem 25 dang agitet aser taoba küm approve süa aiba sentong timba tang financial year dangi aben, ta pai ashi.

Tang financial year nung state-i Ayush dispensary tasen 15 yanglutsü sentong yanglua lir aser yangji taoba küm approve asüba dispensary 11 densema lir,

saka sen magütsütem/mesala, ta Minister-i ashi.

Kasaji 30-Bedded new Integrated Ayush Hospitals asem aser 10-bedded Integrated Ayush Hospital asem yanglutsü taoba küm renem saka sanction mestütet.

Küm tatemlen state sorkari supplementary proposal benoktsü atema tekeraba nung senotsü agütsütsüla, ta Minister Konyak-i Ministry dang ajungshia liasü.

Ananü National Ayush Mission ya May 18 nungi May 19, 2023 tashi lir, kong Union Cabinet Minister, Ministry of Ayush, Ports, Shipping and Water Ways, Sarbananda Sonowal aser Union Cabinet Minister, Ministry of Health & Family Welfare, Dr. Mansukh Mandaviya nungeria jembitsü aser State Health Ministers aser Secretaries tem adener.

Minister, P. Paiwang Konyak ya meina Commissioner & Secretary, Health & Family Welfare Government of Nagaland, Y. Kikheto Sema, IAS aser department nungi ketdangsürtem oa lir.

Supreme Court-i Manipur High Court judge arütsü

New Delhi, Monupii/May 18 (Agencies): Supreme Court ajanga Bodhbarnü Manipur High Court judge Justice MV Muralidaran kanga sashia aitsü aser mepetmesü agi sünger aliba state nung majority Meities nem quota agütsüba obendang melenshitsü maangka agüjaka pai memelenshi, ta ashi.

ajanga state sorkar dang hopta pezü tsüngta Meitei nungeri ST jenjang meshiba agizüksü asoshi Centre dangi yokang ta totuyuba agütsüba sülen Meitei nung nem reservation magütsütsüla ta lisopuri anema nokdaker.

March 27 nü Manipur High Court indang Justice Muralidaran

March 27 totuyuba ya jangratetsü maket ta Chief Justice D Y Chandrachud tekolakba sür aliba bench ajanga ashi.

"Ni nenok (lawyers) dang langka ka shiti, high court totuyuba ya tim masü... Asenoki high court totuyuba ya soita atatsüla ta ni bilemer. High court totuyuba ya khenyongi tai. Asenoki Justice Muralidaran dang aibelen melenshitsü mapang agütsü saka pai memelenshi..." ta bench ajanga ashi.

(Maneni tapak 2 nung...)

Kohima DDMA saksalema alitsü senden amen

Dimapur, Monupii/May 18 (TYO): Tzüngluruwa/meiyi aruba mapang renemshia aliba asadangtsü atema Deputy Commissioner, Kohima, Shanavas C, IAS lenisüba kübok Kohima District Disaster Management Authority senden ka DPDB meeting hall nung May 18, 2023 nü mena liasü.

mapang talanglang alir, anungji anentsü mesüra morok mi amala ataloktsüsa, anungji tajungtiba nung renemshia alitsü atema ketdangsür temi item amala tesemtem jangjatetsü nüngdaker, ta pai ashi.

Mashi mapang alimar lendong balala ajurutsü akok, anungji department balala nungi ketdangsürtem iba ama lendong atalokba mapang yariptetsü renema alitsüla, ta DC Kohima ajanga ashi.

Shanavas-isa PHE, CMO, PWD, SDRF, KMC, Water Resources, Agri & Allied aser sendaktepa aliba department tem dang meimlaba lendongtsüdong atalokdang amshitsü nüngdakba hadir aser machine tem renema alitsü totuyuba agüja liasü.

DDMO Kohima, Thejangulie Zao ajanga Indian Disaster Resources Network portal

(IDRN) indang lemsatet aser department dang iba portal amshia pei department indang osettsüset tejangja agütsütsü ayongzüker.

National highay nung khu tali abenba truck tem senzüba ajanga takoksa bener arutsüba indanga iba senden nung jembia liasü.

DC ajanga SDRF aser DEF adang lendong ajurutsü akokba takzüa personnel nem training agütsütsü shisa agüja liasü. Paisa tang meiyi mapang tzünglu arudang timtem tali majurutsü atema kilentzü aoba lenmangtem müreksü ayongzüka liasü.

Mokokchung nung P.Shilu Ao Park kum 14 nung metembangteter Kohima DPDB senden menogo



Mokokchung nung P.Shilu Ao Park yanglur anentaka aliba noksa nung angur.

Mokokchung, Monupii/May 18(TYO): Nagaland nung mezüngbuba Chief Minister Asür P.Shilu Ao shiba 1963 nungi 1966 tashi Chief Minister inyaka pa nüngtem Mokokchung nung Park ka P.Shilu Ao Park ta tenung jar yangludagi. Iba park ya kum aika tejaklen nungi yanglu tenzüka tanu tashi nung meyangluzüki lir.

Nagaland nung Naga People's Front(NPF) sorkar aliba mapang Nagaland Chief Minister Neiphu Rio-i 2009 kum July 31 iba park yanglutsü asoshi lung azüngtsü. Iba mapa ya inyaksü aosshi state plan nung inoker achayangertemi(contractors) inyaka aru saka mapaji tanu tashi metembangteteri kum ishika anendaka yua arur. Kum aika lir kelen 2021 kum February 10 nü Mokokchung District Planning Development Board(DPDB) meeting alidang iba park yangluba mapa nung amshitsü asoshi sorkar dang sen crore 1 meshitsü lemtet. Iba DPDB meeting nungjisa iba maparen inyaka aoba indang tejangja kuli bener arutsü asoshi Mokokchung District Urban Development Officer nem nungloksü.

Iba osang züluri Deputy Mokokchung

Commissioner Shahank Pratap Singh, IAS ajurua P.Shilu Ao Park yangluba indang asüngdangyaba mapang nung 2021 kum February 10 nü DPDB meeting alidang District Urban Development Officer nem iba mapa inyaka kuli bener arutsü nungloksü saka iba iba officer süadok aser temelen maruba ajanga meinyakteti lirta ashi.

Mokokchung DC-isa 14th Nagaland Legislative Assembly election agiba sülenbo DPDB meeting ken-a mamen saka May 20 nüji DPDB meeting amendang Mokokchung nem District Urban Development Officer maliba indang süoka jembitsü terenemba lirta ashi.

Kasa P.Shilu Ao Park mapatong dak sentakba nungsa osang züluri Mokokchung District Urban Development Office-i tsüngdong oagi office nung inyaker kar ajuru jembidang parnokki iba mapatong asoshibo Directorate ajanga achayanga inyakerkem den dang inyaker, aji asünung office-ibo tang tashi nung kuli tejangja magutsütetsüta ashi.

Mokokchung District Urban Development Officer-ya par office nung inyakerteri ashiba agi 2022 kum October 23 nü asüba lir.

Mokokchung nung P.Shilu Ao Park ya joko kum aikasa meinyaki anendaka ayur, anungji iba ya kechiba ta achayanger(contractor) ajurua jembidang sen-otsü mapang shitak nung peria magutsüba ajanga lir, anungji ano sen-otsüji agutsüsem nungbo tekaraba nung tembangtsü sentong lirta achayangeri ashi.

Nagaland nungmezüngbuba Chief Minister Asür P.Shilu Ao Park Mokokchung nung yangludagi ta asü dang nüburtem kanga dang temelung chia pelatet, yanglua aoba mapang nung nüburtemi yimlaba ama mesüi anendaka yua aliba ngua nüburtem kanga tezüdangteper aser kechiba ya oda metembangteteri sängmangseter. Iba park ya atangji yakta rementet asünungbo koda jungla ta Mokokchung nung lanur lenir kati ashi.

Mokokchung town azütsüsa kazüdak tesem tajung kata mali, ariana iba park ya yanglu nung ya-a iba jenjang nungang yamglua tang tashi metembangtetba yabo tesusatsüka lir, anungji teinyaksüपुरि tim mera agia inyaka tembangtsü nungtakerta paisa shisem.

Dimapur, Monupii/May 18 (TYO): Ita shia amenba Kohima District Planning & Development Board (DPDB) senden May 18 nü DPDB Conference Hall, Kohima nung menogo.

Senden nung Advisor, Prisons and Printing & Stationery and Chairman, Kohima DPDB, Er. Kropol Vitsu-i züngsemtem sendeni pelashishia jaokba mapang, tangatetep tajungba akümsü, tali tajungba sendaktepa inyaksü aser result tajungba angutsü atema project mesüra scheme tem indang nüburtem nem metetdaksütsüla ta ashi.

Kropol-isa, Kohima District nungi MLA tem dang lenla ajak nung terenlok asoshi sentong tajung apiteta ibaji tongtibangsa inyaksü mepeshiba den DPDB züngsemtem dang terenlok maparen atema mapa kechisa nongloksüdir item ajaki bendanga agüja teka amteper inyaksü ayongzuka liasü.

Senden nung Japfü Christian College Alumni Association; Don Bosco College Kohima Alumni Association; Kohima Ao Baptist Church aser Kohima Village Students' Union Society Registration atema application agizükba indang sensak asem aser taruba jenjang agitsü atema agizüka ayu.

Senden nungsa Village Adoption Committee 2022-2023 best performance sempet agitsü. Mezüngbuba jenjang 10 Northern Angami I-i angu aser tanabuba aser tasembuba nung 8 Western Angami aser 14 Southern Angami

I na liasü. Takokertemi parnok tajangshiba aser mapa benoka inyaka mapang tetsükdaksü ajurubatem lemsatet. Parnokisa DPDB nem tinyaksü mapa kar indang metetdakja liasü.

Maneni Kohima yimti aser temeket nung shishilembadak alcohol aika aketba Korea nung indang beverage tem ayokba tali akümba indang Addl. SP Kohima, Relo Aye-i metetdaksü aser iba atema Administration, KMC aser Police-i takaratiba nung jenjang agitsü telemtetba agi.

Administrator, Kohima Municipal Council, T. Lanusenla Longkumer-i, "Meri LiFE Mera Swachh Shehar Campaign," indang metetdaksü, koba May 15 nungi June 5 nü tashi benoka inyaksangshitsü. Lai ashiba agi, iba campaign kübok yimti nung kiyong ajak nung plastic oset, kaket tejen, tsüngsem aser süoshi tesemtu, aser tanga osettem bendena tanaben amshitsü mesüra process asütsü asoshi RRR centre kaka amenoktsü, ta shi.

Iba dak sendakba nung administrator-i züngsemtem dang ajak nem iba osang metetdaksütsü asoshi teka amteper inyaksü aser item osettem ya NGOs, SHGs, Swachh TULIP intern, RWA züngsem aser citizen volunteers tem nem agütsütsü ayongzuka liasü.

Iba senden ya Deputy Commissioner aser Vice Chairman, DPDB Kohima District, Shanavas C, IAS lenisüba nung mena liasü.

Meri LiFE, Mera Swachh Shehar campaign senden menogo

Kohima, Monupii/May 18 (TYO): Ministry of Housing & Urban Affairs (MOHUA) tetuyuba dak ajemdaker kiyong balala ketdangsurtem, tetsür aser lanur lokti tetentem aser SHG tem den Lifestyle for Environment (LiFE) Mission for Meri LiFE, Mera Swachh Shehar campaign dak sendakba nung inyakyimtem asateptsü asoshi May 16 nü Kohima Municipal Council (KMC) office nung senden ka menogo.

Iba sentong ya hopta asem tashi benoka inyaksangshitsü aser June 5, 2023 (World Environment Day) nü kiyong ajunga nung lokti nübutoka merekmejuba mapa inyaka den LiFE drives atema tenangzüktepa agir tembangtsü.

KMC-i ashiba agi, iba campaign nükjidongji nüburtem nem plastic, kaket tejen, tsüngsem aser süoshi tesemtu aser tanga

osettem agütsükdaksütsü asoshi Collection Centres/ Reduce, Reuse, Recycle (RRR) Centre tem amenoktsü asoshi lir aser item osettem ya RRR Centre tem nung tanaben yanglushitsü, amshitsü mesüra process asütsü.

Kohima nung RRR Centre tangatem dak alia Ward Nos. 5,6,7,8 aser 9 atema RRR Centre koba Super Market Complex shimogo, iba ya May 20 nü semzüksütsü.

RRR Centres tem ya geo-tag sütsütsü aser osangtsüasang ajak MeriLiFE portal aser Swachhatam Portal nung upload sütsütsü.

Evaluation committee kati RRR tajungtibatem shimtsü aser June 5 nü sempet agütsüba sentong ka ayongzuka agitsü.

Campaign tembangba sülen permanent RRR Centre ka amenoktsü, ta KMC-isa metetdaksü.

Imphal-i aoba garitem senzüsenpong lapoktsüogo



Kohima, Monupii/May 18 (TYO): Manipur nung mangatetep adoker aliba mapang lenmang mokdanga ayuba aser osüt tsüt belenertemi tsübuba ajanga Imphal Valley-i osetsütem bener aoba anener liasü. Ibayongji state nung tenüngdakba osetsütsütem agi kanga anünga küma oya liasü. Iba timtem nungi nüburtem jenboa lidaktsütsü asoshi Army aser Assam Rifles-i Imphal-i oset bener aoba aser bener aruba garitem nem tekümzüka

agütsütsü asoshi jenjang agia liasü.

May 15 nü, tata gari, totzü abenba gari, JCB amala jang, shini, pulses aser totzü bener gari 28 CRPF aser Manipur Police-i meiner Noney nungi Imphal-i oa liasü.

Garitem kecha tetsükdaksü makai aotsü atema Assam Rifles-i teyari agütsü aser yamaji garitem nikongtsütsü kecha tetsükdaksü makai tongogo. Iba den bendenloksema Unmanned Aerial Vehicles atema

inyakyimtem ajak asadanga liasü.

Yimjung asoshi tejangraba aliba reprangteta ano May 16 aser 17 nü gari 100 shi oset bener Imphal-iogo.

Manipur nung tensa tajungba küma azüoktsü atema security Forces tem bendanga agütsür lir aser NH 37 nung gari senzüsenpong tenzüka ya iba dak sendaka lir, ta PRO (Defence), Kohima & Imphal sangdong ka ajanga metetdaksü.

Supreme Court-i...

(TAPAK 1 NUNGI...)

Manipur nung rongrong-shirong metenzükdang iba ken o jemi tenzüka mapang Manipur High Court indang single judge bench totuyuba Justice Muralidaran-i agüja aliba ya mamshitsüla ta Supreme Court-i shia liasü.

Ajisüaka tatsüka lir single judge bench ajanga quota atema totuyuba agütsüba anema court balala nung ken o benoka aliba jembidang Kuki nung densema tribal pur shilem agitettsü ta shia liasü.

Supreme Court nung ketdangsur temi tetetba committee kati Justice Muralidaran ya Madras High Court nungi Manipur High

Court-i transfer yokba pai magizükba yong pa tenüng temai adoka liasü.

Pa ya January 15, 2019 pangzüng nung ajemdaker Manipur High Court-i transfer aotsü benoka liasü.

Iba sülen Justice Muralidaran-i pa Madras High Court nungsa ayutsü mesüra temelen Karnataka mesüra Andhra Pradesh mesüra Kerala mesüra Orissa High Court kati transfer yoktsü mepishia liasü.

Ajisüaka India nung tematiba court indang ketdangsur temi tetetba collegium yagi mezüng telemtetba nung ajemdak aser Manipur High Court-i transfer yoktsü sorkar dangi aben.

GOVERNMENT OF NAGALAND
DIRECTORATE OF TECHNICAL EDUCATION
NAGALAND: KOHIMA-797004

NO.DTE/ESTT-2/5/2016-17

Dt.Kohima, the 15th May 2023.

NOTIFICATION

NO.DTE/ESTT-2/5/2016-17: This is to inform the candidates who have applied for NERIST Entrance Examination (NEE-I, II, III) - 2023, that the NERIST authority has re-scheduled for the conduct of NEE-2023 on the following date as shown below.

NE-II & III	24/06/2023(Saturday) from 10:00 AM to 1:00 PM
NEE -1	25/06/2023 (Sunday) from 10:00 AM to 1:00 PM

All the Candidates are advised to download the updated Admit Cards w.e.f. 14.06.2023 from the website www.nerist.ac.in or www.needonline.ac.in). Further the candidates are advised to check the institute website regularly for updates.

(ER. VIPULHOU LHOUNGU)
DIRECTOR

UNVEILING

OF

KET MAP OF KARTAVYA PATH

May 18, 2023 nū New Delhi nung International Museum Expo 2023 tenzükba sentong nung Ato kilonser Narendra Modi, Union Minister for Culture G. Kishan Reddy aser Ministers of State for Culture- Arjun Ram Meghwal aser Meenakshi Lekhi nunger tangokba noksa nung angur.

Arjun Ram Meghwal nem Law Ministry agütsü

New Delhi, May 18

(Agencies): Brihostibarnü Narendra Modi-i aniba sorkari Union Minister Kiren Rijju-i bena aliba Law & Justice portfolio Arjun Ram Meghwal nem agütsüogo aser Rijju nem Earth Sciences Ministry agütsü.

Collegium kati Supreme Court aser high courts nung judge tem shimba inyakym ya temzüng alema lir, ta Rijju-i aiben aija aruogo.

Paisa mapa nungi anisüngzükür alir judge kar 'linük anemertem', ta aija liasü.

Meghwal nem tongtibang ministry ka agütsüba ya kobi melii Rajasthan nung assembly election agütsü aliba ajanga lir, ta karibo bilemer.

Arjun Singh Meghwal ya

Rajasthan kübok Bikaner nungi asembenbuba Lok Sabha MP inyaker. Pa ya Minister of state lir aser tang pa nem Law & justice ministry-a agütsü. Pa ya Parliamentary affairs & culture nunga minister of state lir.

Ato kilonser Modi aser Home Minister Amit Shah nati pa kanga saklokba dang masü saka pa dak tarak maketba ajanga bangdak lenirtemi pa nem Law Ministry agütsü südi ta bilemer.

Küm aika sülen SC category nungi Law minister portfolio anguba lenirji pa mezüng asütsü. Pai ain-abong azüoktsü junga meteta lir aser yimtenren nungi alidang tanü tashi tangari ashishitsüsa pai o ka dang jembia maliba agi pa nem iba

ministry agütsü ta bilemer.

Ano külen Rajasthan nung Assembly elections agütsü mapang ana nung aliba agi bangdak lenirtemi Arjun Ram Meghwal nem iba ama kanga tongtibang ministry ka agütsüogo.

Meghwal ya tang agi kümsük (term) asembenbuba MP inyaker. 2009 küm Lok Sabha election nung mezüng pai vote tali 19,575 agi takok ngua liasü. Iba sülen nungjagi pai maneni takok ngua arur. 2014 küm BJP-i pa Bikaner menden nungi toktepdaktsü aser pai vote tali lakh 3 dak tema agi takok angu. 2019 küm Lok Sabha election nunga pai Bikaner menden nungisa toktepa vote tali 2,640,00 agi takok ngua liasü.

Siddaramaiah Karnataka CM asütsü; Shivakumar Dy. CM asütsü

May 18, 2023 nū Congress Tir, Mallikarjun Kharge (tiyong) aser Karnataka nungi party lenir ana- DK Shivakumar (abelen) aser Siddaramaiah nunger senden ka amenba sülen tangokba noksa nung angur. Siddaramaiah Karnataka chief minister asütsü aser DK Shivakumar Deputy chief minister asütsü.

New Delhi, Monupii/May 18 (Agencies):

Congress-i Karnataka assembly election nung takok anguba sülen Chief Minister shimtsü atema anogo aika telemetba magiteti aruba sülen tesüsa Brihostibarnü Congress-i Karnataka Chief Minister menden atema Siddaramaiah shimogo.

Osangbenertem senden nung jembidang Congress lenir, KC Venugopal-i, Karnataka Congress Tir, DK Shivakumar Deputy Chief Minister asütsü aser sorkar tenanzükba agiba sentongji May 20 nū Bengaluru nung agütsü, ta metetdaktsü.

Congress National Tir, Mallikarjun Kharge-ia Siddaramaiah aser Shivakumar na den senden amenba sülen par asem külemi tangokba noksa ka twitter ajanga lemsatep.

Kharge-i twitter ajanga, "Congress Team-i Karnataka nunger tejakleni anitsü, nūburtem ajungkettsütsü aser temeden agütsütsü atema inyaksü. Onoki Karnataka nunger crore 6.5 dang nangzükba onük 5 mapa küma inyaksü," ta metetdaktsü.

Chief Minister aser Deputy Chief Minister tenüng sangdongba sülen Siddaramaiah aser Shivakumar natia state nūburtem atema parnoki longjemer inyaksü, ta lemsatep.

Siddaramaiah-i "Karnataka nunger taginübatem kümsüktsü atema onok teka longjema

alitsü. Nūburtem nem teladak sorkar aser ochimashi maliba sorkar agütsüba den külemi onoki nangzükba ajak inyaksü atema Congress party-i kibong ka ama inyaksü," ta metetdaktsü.

Paisa Kharge aser Shivakumar par aseme telongjem temaitsü teka amtepa metonger tangokba noksa ka twitter ajanga lemsatep.

Shivakumar-ia twitter ajanga kasa noksaji lemsatep.

Shivakumar-i, "Karnataka tarutsü kümsüka alitsü aser nūburtem ajungtsü atema inyaksüji onok atema tongti mapa asütsü," ta metetdaktsü.

Karnataka CM menden aser sorkar akümtsü atema Bodhbar aonunga ayaterm tashi Kharge leniba nung lenirtem senden mena liasü. Siddaramaiah aser Shivakumar napronglai CM menden aginüa liasü, ibayongji Kharge aser Rahul Gandhi na densema Congress bangdak lenirtemi tesüba anogo ishika tsüngda senden aika mena aruogo.

Arrshi küm 75, Siddaramaiah ya 2012 küm nungi 2018 küm tashi Karnataka Chief Minister inyaka liasü aser kasa mapang nungji Shivakumar (61) state minister inyaka liasü.

Assembly menden 224 aliba Karnataka elections nung Congress-i menden 135 nung takok angu, BJP-i menden 66 aser Janata Dal (Secular)-i menden 19 ngua liasü.

Punjab nung AAP sorkari küm ka nung lanur 29,237 nem mapa agütsü

Chandigarh, May 18

(Agencies): Brihostibarnü Punjab Chief Minister, Bhagwant Mann-i, AAP sorkari tang tashi nung (küm ka) lanur 29,237 nem mapa agütsüogo, ta metetdaktsü.

Brihostibarnü Chandigarh nung Punjab Police Bureau of Investigation nung shimokba shidi 144 agütsüba sülen lokti den jembidang pai, tanü tensa nung loktiliba nung ajangshiba tayongzükba balala koktettsü atema bushisüngdangba, science aser technology tsütsü police force tejakleni liromedema aotsü nungdak, ta ashi.

Linük nung police force tajungtibaji Punjab Police lir, aser iba atema ni nūma atanger,

ta pai ashi.

"State police scientific tsütsü tejakleni aotsü atema kobi melii Punjab-i Google den longjemtsü," ta AAP lenirisa metetdaktsü.

Google den longjemtsü atema asalentong yangludat, aser kobi melii iba atemaji parnok den tezüngzüktep ka agütsü, ta paisa metetdaktsü.

Punjab tesem ajaklen police stations tajungtiba akümtsü atema inyakdar, iba atemaji police gari aser raraba hadir densema facilities balala ajungkettsür, ta pai ashi.

Punjab ya arrtsülen aliba state asüba agi tayongzükba balala ajangshir, ajisüaka police-i item ajungaji kokteter, ta pai tenüngsang agütsü.



May 18, 2023 nū Mumbai nung Maharashtra Chief Minister, Eknath Shinde aser Maharashtra Legislative Assembly Speaker Rahul Narvekar na state skill development department-i ayongzükba sentong ka nung adenba noksa nung angur.



TIR YIMYIM YIMOBILEM (EDITORIAL)

DIMAPUR ROGONÜ, MONUPII (MAY) 19, 2023

Tangatetba Balala Ajanga Melongjemteter

- *Tangsen Lemtur*

2024 küm India nung General Election agitsü lia BJP den madenba opposition party temi Front ka tenteter BJP anema longjemmer tokteptsü atema jembir saka opposition party tem junga melongjemtettsü ama reprangteter, kechiyong opposition party tem tsungda tebilemba balala lir aser lenji maruteper. Ano külen party kari BJP anema tokteptsü atema tongti party ji Congress südaktsüner saka karibo iba teloktep nungji Congress party medendaktsüner. Opposition longjemtsü nükjidong nung 2019 küm January ita nung Mamata-i Kolkata nung opposition party 23 nungi lenirtem senden ka ayongzüka agi aser parnoki BJP tamakok ngudaktsütsü atema tenangzükba agia liasü, ajisüaka tangbo lenirtem aikati iba tenangzükbaji amadokogo. Mamata atema yimtenren nung tsükchir tulutibaji BJP lir, ajisüaka tarutsü nung la jenjang ajungtsü atema lai opposition teloktep nungji Congress party medendaktsünüi liasü saka tangbo opposition telongjem atema la tejangraba samaogo. 2019 küm Lok Sabha election jakdang-a BJP anema opposition party tem longjemtsü atema jembia liasü saka melongjemtet aser 2024 küm election atema-a opposition longjemtsü atema jembir saka taoba mapang ama dang asütsüa akok ta asadanteter. India tesem ajaklen aliba party anaji BJP aser Congress party na dang lir, saka AAP aser Trinamool Congress-i Congress den melongjemner. Ajisüaka 2024 Lok Sabha election nung Congress medenibo opposition melongjemtettsü ta bilemer. West Bengal Chief Minister Mamata Banerjee-i sangküm Lok Sabha election nung lar party TMC-i tangar den meloktepi tokteptsü ta sangdongogo aser Odisha Chief Minister Naveen Patnaik-ia par party BJD-i tangar den meloktepi tokteptsü ta shiogo. Ano külen AAP-i kodanga teloktep kecha nunga den-a maru. Yamaji oppositon party aikati opposition longjemtsü atema tejangraba melira Telangana Chief Minister K. Chandrashekhar Rao (BSR party) aser Andhra Pradesh Chief Minister, Y.S. Jagan Mohan Reddy (YSR party) nungeria opposition teloktep atema temelung magütsütsü. Tang opposition teloktep atema kanga mazüngi inyakerji Bihar Chief Minister, Nitish Kumar (JDU) aser Nationalist Congress Party (NCP) tongti lenir, Sharad Pawar na dang lir. Kumar-i opposition lenir aika ajurua senzüdar aser Pawar-ia opposition longjemtsü atema asalentong ka renemdar. Opposition teloktep nung adentsü melungertemji Congress, NCP aser JD(U) den Shiv Sena (Uddhav telok), DMK, RJD, Janata Dal(S) aser National Conference party tem dang asütsü ama reprangteter. Atangji ajaki longjemner saka party shia tangatetba balala agiba agi melongjemteter. 2018 küm India nunger yimtenren tensa asadanga sülen Congress lenir aser UPA Chairperson, Sonia Gandhi-i opposition longjemmerbo akoktsü, ta bilema 2019 küm Lok Sabha election nung BJP anema opposition longjemmer tokteptsü atema opposition party 20 nungi lenirtem jaoka senden amen saka melongjemtet. 2014 aser 2019 Lok Sabha elections nung BJP-i takok tulu anguba dang masü saka tongti opposition party Congress jenjang-a kanga mejungi raksatsüogo. Tangbo India nung 'tongti opposition party' ta züngshitsüsa party kata mali, iba denji külemi regional party shia peipei tebilemba aser nükjidong balala lir, anungji opposition longjemtsü atema jembiaaka atangji nungbo melongjemtettsüa akok.

OLEMSABANG

NAGA NUNGER YASHI, TANÜ ASER ASÜNG INDANG

~ B. Wati Jamir Arkong Ward, Mokokchung.

(Yashi adok nungi...)

R.S.S India nung tenteter 2024 nung 100 ajungba den B.J.P ruling kübok parliamentary election agitsüba anendaka alidang, Nagaland nung B.J.P nungi tokteptsü rakteper. India lima ajunga HINDUTVA akümtsü meranger, aji B.J.P R.S.S nükjidong lir. Iba mapang asen Naga lima tia kechi nung ayutsü? Mahatma Gandhi kasetsang Nathu Ram Godseji kecha tai mali ta tanü India nung ola adoker aser temeden agütsür.

India lima ya khristan missionarytem Indiai marudang kanga dang tepetzük tia nung liasü. Tatsüba agi India nunger kinungbo süra kinungtsüa taküm lia iba mimung nungji pongoka arungba, nisung dak mekongshiba (untouchable) item ajak jagi India limajia kanga dang tammang (darkness) tia nung liasü, shisaluyimba (education) nunga kanga dang tazungla liasü. Saka tamalen ashiba ama Christian missionarytem ajanga tenük lapoktsü aser India tasenba (New India) yanglutsü. India nunger ajunga Khristan shisaluyimda (Christian education institution) zülutsü azungtsü meteta aliba mapang tatishitsü agi tongtibang Christain Educational Institution Wilson College Bombay (Mumbai), Stephen College Delhi, Serampore College, Christian Missionary Walliam Carey, Alexandaer Duff, Jonh Wilson item ajanga Western Education den cultüre benokba ajanga nüchi tia dangi aruba lir.

Aji oda Christian contribution ajanga Hospital den ano meimchir yaritepba maparen renloka ao. Ano India nunger tongtibang lenir/tazünger Raja Ram Mohan Roy shibai Bramo Samaj ngutet, Rabendranath Toagore, Swami Vive Kananda aser Sri Rama Khrishna. Ano National Congress lenir Banerjee ajanga 30/12/1885 nung ngutet, ano pabo Christian kibong nungi liasü. Yamaji India nung item tongtibang lenir den repsema Mahatma Gandhi parnok ajaki Christian missionarytem den teka amteper inyaka aru. Ano kanga dang tatishitsü tulu kaji England nunger Christian Missionary Rev. C.F Andrew paibo ano India nüchiso atema-a kanga meranga nokdak. Mezüngbo pa dang nisung ajaki TRAITOR ano India nungeribo "Spy" ta aja, saka tesülenbo Mahatma Gandhi-i India tembar (Friend of India) ta aja aser ano India nunger tashi temeteteremi pa dang DHEENA BHANDU ta nüngja agütsü. Tetezü "ajak nung ajak" mesüra "Tematiba Tsüngrem", aji dang masü ano tamalen ashiba/züluba ama Hindu nunger kinungbo sür kinungtsü taküm lia iba mimung nung pongoka rongsetbaji India nunger Raja Ram Mohan Roy den William Carrey aser Lord William Bentinck ajanga iba SATI ya 04/12/1829 nung anendaktsü aser ano Hindu amitsür tanaben kibong akümtsü ozüng "HINDU WIDOWS REMARRIANGE ACT" 1856 nung Raja Ram Mohan Roy aser Lord William Bentinck Governot of India alidang ozüng yanglua toktsü. Iba sülen nungi hindutsür alar nungi nüchi dangi meyipa tanü tashi iba ozüngji amshir.

Aji oda item chirstian missionarytem ajanga India nungertem tenük lapoktsü, taliba yimya den taliba jenjang (living style and living standard) bendanger menepa ajungkettsüogo. Saka akidang aliba jenjang mebilemdangi India nung khristanem tepseter, rishikangshir, tenla ki rongdoktsür aser India limaji Hindutva/Hindustan akümtsü meranger. Aji oda asen Naga nungera iba tsüngsü nungji ariteper Naga lima Khrista yimsü arur joko küm 151 buba nung jaja aor. Rashtriya Swayamaserat Sangh (R.S.S) dang nungi asne lima Khrista yimsü 51 tainba. Anungji Naga nunger Khristanpurtem tanü asenok kechi jenjang nung nokdaka aser renema lir? India nung Christian missionarytem ajanga mapa tajung inyaka doktsüba den ano Muslim Period nung nüngshi ki den mapa tajung inyaka toktsüba ajak samatsütsü meranger; ano asen Naga lima nunga Khsriatanpur tamang anokshitsür. Asen lima nunga Khristan yimsü tajung ya samatsütsü asenoki dena pukümer asü? Süpokrem aser tiyazü jembia ali tashi asüng lima nem kechi toktsütsü. American missionarytem Naga lima nungi India Armytemi aridoker Naga nunger akrongdakja kangshiba tanü asennüburtemi mebilemer.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

India nung Khristantem reshikangshi bulua kumogo: A C Michael



May 15, 2023 nü Washington nung International Religious Freedom Report sayaba sentong nung US Secretary of State, Antony Blinken-i jembidang tangokba noksa nung angur.

May 18, 2023: US State Department indang report ka ajanga India nung religious freedom jenjang tamajungba akümer, ta metetdaksüba sülen linük yimtiba, Delhi nung Catholic Khristan lenir kati, India nung Khristantem reshikangshiba kanga bulua kumogo, ta ashi.

May 17, 2023 nü Ministry of External Affairs (MEA)-ibo, US State Department indang International Religious Freedom (USIRF) report ashishia liasü.

Ajisüaka osangbenertem den jembidang Federation of Catholic Associations of Archdiocese of Delhi nung Tir, A.C. Michael-ibo, "Tanga linük kati asen linük telung inyakyim nung amoushibaji ni magizüker, ajisüaka 2014 kum linük nung Khristantem anema inyakba tatalokba 147 dang aliba nungi 2022 kum nungbo Khristantem anema inyakba tatalokba 599 tashi alibaji jelia

asalentong yanglur Khristantem anema inyakba lir; ibaji shingaia masü, ta ashitsü makok," ta metetdaksü.

Michael ya taoba mapang Delhi Minorities Commission nunga züngsem liasü.

Paisa, "Atangji taküm kum tenzüker anogo 120 tsüngda India kübok state 21 nung Khristantem anema inyakba tatalokba 233 liasü," ta metetdaksü.

AC Michael-i, iba dak alia state aika nung anti-conversion ozüng kübok Khristantem anema inyakba tatalokba aika lir, ta metetdaksü.

May 16 nü US State Department-i sayaba report ajanga India densema alima tesem ajaklen religious freedom jenjang tamajungba akümba metetdaksü.

India nung talisa Khristantem, Muslim nung aser Dalit nung ama minorities anema inyakba aser

tesempa o jembiba iba reopr nungji metetdakja liasü.

Iba report ya kanga tongtibang mapang ka nung sayaogo, kechiyong India Ato kilonser, Narendra Modi-i US semdangtsü ita ka shi dang lia iba report sayar. Talisa tawa Manipur state nung rara adokba mapang nisung 71 asü aser tribal Khristantem teimba ser nisung meyrjang aika jenshiogo.

USIRF report ajangasa 2022 kum India kübok state balala nung ozüng amer ketdangsertemia minorities anema inyakba indang shia lir.

Iba report sayaba sülen osangbenertem den jembidang US ketdangser kati, India nung maneni minorities anema inyakba atema mepelar, ta ashi.

Paisa, "Item ama tatalokba aitsütsü aser aibelenertem anema inyaksü atema onoki maneni India sorkar ajungshir," ta metetdaksü.

Cyclone Mocha ajanga Myanmar nung Tenla ki aika raksatsüogo

May 18, 2023: May 14 nü 'Mocha' ta ajaba cyclone yipru tesashi ajanga Myanmar nung Tenla kitem aser internally displaced persons (IDPs) jenoka aliba shelter camps aika raksatsüogo.

Iba yipru ajanga Rakhine state aser Chin state na tamajungba kongshia liasü.

Catholic Karuna Pyay nung Director, putir Nereus Tun Min-i, iba yipru ajanga Rakhine state kübok Sittwe yimti nung aliba Sacred Heart Catholic Arogo Tenla ki kanga mejungi raksatsüogo aser tanga jilatem nunga Tenla ki aika raksago, ta metetdaksü.

Paisa, Arogoi Karuna (Caritas) nungi team ka den senteper Sittwe yimtii oa teyari agütsüba maparen inyaksü, ta metetdaksü.

"Tang tashi tongteprateptsü kanga tasak aser Tenla kitem

den ki kwi raksaar tejangja memetet," ta paisa metetdaksü.

Chin state kübok jila trok nung Tenla ki densema Arogo kiojen 29 raksaba den ki noklang aika raksago, ta Interim Chin National Consultative Council-ia metetdaksü.

May 17 nü council-i sangdong ka ajanga, "Onoki linük nung aser bendanglen aliba nüburtem dang Chin state nung kiojen tanaben yangershiba nung yariteptsü mepishir," ta metetdaksü.

Cyclone Mocha ajanga Myanmar züyimkümlen aliba tesem aika kongshi, aser iba yipru ajanga mopung ghonda ka nung kilometer 248 tashi kera aonba den külemi tzünglu sashia arua liasü. Tang Myanmar nung sepaitem aser lisopur teloktem tsüngda

raraba ajanga nüburtem timtemba mapang nung ano iba yipru agi kongshiba ajanga nüburtem timtem bendenlokogo.

UN Office for Coordination of Humanitarian Affairs (UNOCHA)-ibo, Chin state nung ki 710 shi raksa, Hakha jila nung ki 153, Falam nung ki 74, Thanglang jila nung ki 93 aser Matupi nung ki 305 raksago, ta metetdaksü.

UNOCHA-isa, Kachin state nung Arogoi lapokba shelter homes 42 raksago; item shelter homes nung Internally Displaced Persons (IDPs) jenokdakja liasü, ta metetdaksü.

Mitkar sorkari Chin state nung jila pezü- Tedim, Paletwa, Matupi aser Hakha jilatem aser Rakhine state kübok jila 17 ya lendong agi kongshiba tesem lir, ta metetdaksü.

ANOGO ABEN TSÜNGREM DEN

Temulungjang aser ki (T. ken 101:1-8)

Takar aser sensaker, tular aser tilar ajaki pei tashi yari ki asür aser pastor jaoka sarasadema ki tasenji lapoka alir.

Kidang tongtipangtiba shilemji kechi? Mezüngbuba nai ashitsü südi kimong aser soruchiokdak amshiba chipo-aon po. Saka kidang tongtipangtiba shilemji kibongji lir. Aser iba kibong nung tongtipangtiba shilemji iba kibong nung alir temulungjangji lir.

Dawidi par ki meshitetdang ibaji ashi. "Ni kü sasa shisa kaa shitakba len benshitsü. Aya, na kodangang kü dangi arutsü? Ozü kidang ni temulungjang teindang agi jajatsü" (t.2). Nai ne ki pansanüra, ne kibong pensatsü tenzükan. Saka nai ner ki aser kibong ajak Tsüngremi mulungba ama lidaktsünüra, ne mulungjang merüka tabensa liang.

Tabensa mulungjangji kechi? Ibaji telemsa makai ka dang sür tsüngchir süa aliba. Shingaia kibur ana metenzüktet. Shingaia alu alaba nung ametter tesülen reprangtsü makok. Telungjem aser tsüngchiba temulungjang na akatsü tenüngdaksü. "Ne ochiba nung jajatsü: Ne tenüng tsübutsü asoshi kü mulungjang lungjemjang" (T.Ken 86:11). Pai par ki tasen meketa jajaa ashi, "Ni Kibuba nem ajunga agütsütsü asoshi kü mulungjang tabensa linür. Ni kü kibong nung junga yimsüsünür, kechiaser Pai kü mulungjang nung yimsü asür."

Naia kasaji shitettsü asü? Ne mulungjanga ne kibong nung mapa inyaker. Saka Kibuba nem bendanga agütsütsü tenüngdaksü. Nai Kibuba dak rangloka lir ma? Pai ne kibong nung yimsü asür asü? Teti tsüngchir süa jajatsü mulungtettang aser Tsüngrem tenzüksütsü ne mulungjang lungjema liang.

Iran nung tepuokdak nungi Khristan lenir ana chiok



Sara Ahmadi aser la kinüngbu Homayoun Zhave na noksa nung angur.

May 18, 2023: Taoba hopta Iran sorkar ketdangsertemi Khristan lenir ana tepuokdak nungi chiokogo; Judge kati, home church nung shilem agibaji ozüng alema masü, ta obendang agütsüba ajanga Khristan lenir anaji chiok.

2020 kum Khristan apuani naji aija liasü ajisüaka May 9, 2023 nü Tehran nung aliba Appeals Court nung judge kati, Khristan apuani nati kidang tekülem sentong agibaji ajanga Iran linük security ozüngtem alema inyakogo, ta tena aitsütsüsa kuli kecha mali, ta obendang agüja liasü, ta melungtet telok Article 18-i metetdaksü.

Arrshi kum 64, Homayoun

Zhaveh aser pa kinüngtsü, Sara Ahmadi (45) na ya tamalen Islam yimsü amangertem liasü, ajisüaka tenati Khristan yimsü agizük. May 9 nü jugde-i obendang agütsüba anogo nungjisa tenaprongla tepuokdak nungi chiok.

Judge-i, kasa yimsü amangertem telok ka kidang tekülem sentong agibaji ozüng alema masü, ta obendang agüja liasü.

2021 kum November 3 nüa Iran nung Supreme Court-i, Khristan yimsü agizüker nisung 9-i house church nung shilem agiba ajanga linük security anema inyakogo ta parnok aitsütsü makok, ta obendang agüja liasü.

AO OSHI ANGAZÜKDAK:

TANÜ ANGAZÜKTSÜBA OJANG



Putibang

(n) putu yimsüsüba menden yutsüli (recently retired from village council)

* Putu ait nung alirtemi putibang purtem dang nungi shisatsü agir.

Putipuyang

(adj) yimten yimli indang tejen otsütem (Chronicles)

* Israel nunger putipuyang asenoki tejen lai nung azünger.

OLONG PAITEP # 6519

Grid for OLONG PAITEP # 6519 with numbers 1-15 in various cells.

TIPLÉN

- 1. Balaka - (5)
6. Aika shirangba - (4)
7. Tar tatsü - (6)
9. Nenü'er jabaso - (4)
10. Sen latettsüba - (7)
11. Tangar kübok alir - (4)
14. Lon nung inokba - (6)
15. Tzü ayimdak - (4)
16. Ajok - (5)

LANGTSÜNGLEN

- 2. Hai sür inyak - (4)
3. Aor tenüng ka - (6)
4. Ali telungi talangka lur - (5)
5. Tebang kenyongi mazüoker - (4)
8. Ken atema anenzükertem - (5)
9. Toklepa noktak - (5)
10. Sen - (6)
11. Benjong agi - (5)
12. Telung nung rizünga ayu - (4)
13. Tebang nung enok - (4)

OLONG PAITEP # 6517 TELANGZÜBA

TIPLÉN :

- 1. Aben, 4. Artsü, 7. Lisem, 8. Liwa, 9. Sarasadem, 12. Aket, 14. Mangu, 15. Anünü, 16. Ango.

LANGTSÜNGLEN :

- 1. Aruli, 3. Balala, 5. Suwar, 6. Belem, 9. Sүjak, 10. Aonung, 11. Dokan, 13. Tinu.



ONSARA TAKAR PEZÜ RESTAURANT KA NUNG DINNER ACHITSÜ AJURUTEPA, PEI CHIRNUR TAKOK ANGUBA INDANG SOLATEPER :

- Takar1 : Ozü japaso ya business nung kanga takok ngua sen aikasa bendenogo, yashitoang pa medemtsür ka nem crore ka tema alang gari ka birthday gift alitsüogo.
Takar2 : Kü jabaso Law firm ka tenzüka kanga takok nung odar, ozüjia yashiang pa girlfriend nema ta helicopter ka alitsüogono.
Takar3 : Ozü jabasojia Banking business ka lapoker dang tetamatsü sen aarjito, yashi toang pa tetong nema ta ki tuluka alitsüato.
Takay1 : Aree, Temba nabo ola malina? Nür jabaso koma?
Takar4 : Tembartem, nibo jabaso malia saka jala ka onsara tobur tajung sotetji tetong teji onsara, yashiang la birthday amongba la boyfriend temi, kati gari tajung ka, kati helicopter ka aser kati ki tulu ka gift agütsü maha, hehehe!

~ Lilir : WhatsApp

SI Junmoni gari tsükokba lendong ajuruba tenük kuli agütsür CID-i jaokogo



Guwahati, Monupii/May 18

(Agencies): Assam police sub-inspector (SI) Junmoni Rabha gari tsükokba lendong ka nung asüba dak sendakba nung tenük kuli agütsür ka criminal investigation department (CID) ketdangsurtemi jaokogo.

Pranab Das ya iba ken o nung tenük kuli agütsür pa kija lir.

Pa Assam police CID-i, Guwahati, Assam nung private TV news channel ka nungi anirogo.

Source kati ashiba agi, news channel indang ketdangsurtemi CID ketdangsurtem dangi call süa Pranab Das parnok den aliba indang osang agüja liasü.

Iba news channel yagi Pranab Das interview agi aser pa chia jemdaktsüba sülen CID ketdangsurtemi pa anir ao, ta source-isa metetdaktsü.

Pranab Das ya Golaghat district kübok Bokakhat tesem

nungi lir.

May 17 nü Das-i, SI Junmoni Rabha gari tsükokba lendong nung asüba ya asa tepsetba ken o ka lir ta ashi

Pai ashiba agi, "Junmoni Rabha indang gari ya lenmang tezülen parking lights tsükloker kanga junga anener liasü. Iba sülen tata gari kati arua la indang gari nung tsükoktsü. Ni kü tenük agi nguogo."

Kasa mapang nung Assam director general of police (DGP) - GP Singh-i ashiba agi, SI Junmoni Rabha tamamangtsüka asüba ken o bushisingdangtsü atema CID nem bendanga agütsüogo.

Osangbenertem den sensaksemba mapang Assam DGP GP Singh-i, bushisingdang CID-i kanga junga asütsü aser iba ya sadem sadema inyaktü atema parnok nem temelaba agütsüogo, ta ashi.

Temetetsü kaji Assam police

SI Junmoni Rabha-i asüba ya tamamangtsüka aser temulung malemstsüa ken o kar sendaka lir, ta shiogo.

La Nagaon district nung inyaka liasü aser mezüngbo Kaliabor-Jakhalabanda tesem nung gari tsükokba lendong ka nung asü ta sangdonga liasü.

Ajisüaka mapang tatsüka lir la gari tsükokba ya temulung melemi aküm aser jelia sentong yanglur tepsetba asütsü ta bilemer.

Nagaon SP, Leena Doley-i, iba dak sendakba nung media nem osang kecha magütsü.

Ajisüaka nisung anati media dang parnoki iba ken o jangja liasü ta ashi.

Mezüngbuba nung Lakhimpur nungi tetsür ka tenüng agi Hasina Begum-i ashiba agi, Junmoni Rabha ya hon taila shibelenertemi tepset asütsü akok.

Laisa, Junmoni Rabha-i la dangi call sür la taküm lendong nung lir ta shiogo, ta ashi.

Manipur: Tribal MLA, ethnic tribe temi BJP-i aniba sorkar den sensak masemtsü lemtet

Aizawl, Monupii/May 18

(Agencies): Manipur nung Chin-Kuki-Mizo-Zomi-Hmar kin aser tribal MLA temi Manipur nung tang Chief Minister N. Biren Singh-i aniba BJP sorkar den sensak masemtsü asoshi telemtetba agiogo.

MLA ti aser Manipur nungi non-Nagas tribal organization tem Aizawl nung Bodhbarnü senden ka mena tawa Manipur nung mepetmesü tulu adoker aliba mapang tribal tem tarutsü atema sensaksemba liasü.

Senden nung tang Manipur nung kin o kin tsüngda mangatettep adoker aliba dak sendakba nung longjemer nokdaktsü bangzünga yuogo, ta iba telok sangdong ka ajanga metetdaktsü.

"Senden nung longjemer nokdaktsü aser tang Manipur yimsü süa aliba sorkar den

sensak masemtsü asoshi telemtetba agiogo," ta delegate temsangdong ka ajanga metetdaktsü.

Senden nungsa, ken o bentettsü atema takratiba nung tanga teloktem dena sensak asemtsü lemtetogo.

Kasa mapang nung senden nung shilem agiba lenir kati ashiba agi, Union Territory (UT) ka ama administration balaka tentettsü mesüra yimden yimsüsüba tsütsü tribal tem kümzüka ayutsü atema sensaksemba liasü.

Ajisüaka lenir-i, senden nung iba onük dak sendakba nung telemtetba ka agi magi iba indang osang magütsü.

Pai ashiba agi, parnoki Manipur nung tanga tribal tem aser talisa Naga nungertem temulung dang yur sensaksemoggo aser yimden

yimsüsüba tsütsü arok onük ka asoshi parnok dena sensak asemtsü.

May 12 nü BJP nungi MLA 7 densema Kuki nunger MLA 12-i Centre dang tribal tem atema administration balaka tentettsütsü asoshi khanga liasü.

MLA temi ashiba agi, par nüburttem Manipur nung tali majung kümoggo, kechiyong state nung tribal tem kanga sempar aser tang kin o kin tsüngda mangatettep adokba mapang MLA, minister, pastor, police aser civil officer tem, laymen, tetsür aser tanurtem den ka danga metoktsür.

Manipur kübok tesem kar nung iba ita tetenzüklen mangatettep adokba sülen nisung 70 dak tema süogo aser nisung aika yiruba den nisung meyrejang aika pei talidak ki toktsü jenshiaogo.

Assam: Amritpal'er tsürapuri Dibrugarh jail nung pa semdang

Dibrugarh, Monupui/ May 18

(Agencies): Waris Punjab De tekolakba Amritpal Singh tebu Tarsem Singh aser tetsü Balwinder Kaur na par jabaso den ajuruteptsü atema Dibrugarh Central Jail-i ia liasü.

Amritpal Singh ya April 23 nü nungi Dibrugarh jail nung puoka yua lir.

Advocate Rohit Sharma aser Advocate Rajdev Singh Khalsa (ex-Punjab MP) nati tena meiner oa liasü.

Parnok tepuokdak telungi 11:30 ako shi nung ia liasü.

Temetetsü kaji May 4, 2023 nü Amritpal Singh kinungtsü Kirandeep Kaur, Daljit Singh

Kalsi kinungtsü Neeru Kalsi aser par jabaso Simarjeet Kalsi nunger Dibrugarh Central Jail tonga Daljit Singh Kalsi den ajurutepa liasü.

Osangbenertem den sensaksemba mapang advocate Rohit Sharma-i ashiba agi, Amritpal Singh'er tsürapuri tang mezüngbuba Dibrugarh jail nung par jabaso den ajuruteptsü atema aruogo. Ajisüaka Sharma bo Amritpal Singh den majuruteptetsü, kechiyong pa nem okakdak nungi temelaba agüja mali. Iba melena Rohit Sharma-i Amritpal Singh'er kinunger (uncle) Harjit Singh den ajuruteptsü.

Paisa, Waris Punjab De züngsem ter ya Dibrugarh Central Jail nungi tanga jail-i belener aotsü atema tang tashi nungbo kecha osang mali, ta ashi

Amritpal Singh dak alia pa nem teyari agütsür Daljeet Singh Kalsi, Papalpreet Singh, Kulwant Singh Dhaliwal, Varinder Singh Johal, Gurmeet Singh Bukkanwala, Harjit Singh (Amritpal Singh's uncle), Bhagwant Singh alias Pradhan Mantri Bajekke, Basant Singh aser Gurinder Singh Aujla nunger National Security Act (NSA) kübok Dibrugarh jail nung puoka yua lir.

Myanmar mitkari sen billion \$1 jenjang hadir aliogo

New York, Monupii/May 18 (Agencies): Myanmar mitkar temi 2021 küm February ita tashiyim amshia sorkar atsüngdokba sülen nüburtan anema tashiyim amshiba kuli peria liaka sen billion \$1 jenjang nok-nü bendang lima nungi bener aruogo, ta United Nations nungi mongin kati ashi.

Hadir ya timba Russia, China aser Singapore nungi company balala nungi aru, ta UN Special Rapporteur on Human Rights in Myanmar, Tom Andrews-i Bodhbarnü New York nung osang ka sayaba nung shia lir.

Mitkar temi tashiyim amshia sorkar atsüngdokba anogo, February 1, 2021 nungi December 2022 tashinung bendang lima nungi bener aruba nung nok-nü, hadir yangluba nung amshiba dual-use technology aser osettsüset dena lir.

"Nüburtan anema tashiyim mapa inyakba kuli peria liaka item hadir aser hadir tali yanglutsü atema osettsüset maneni tetsükdaktsü makai Myanmar mitkar dangi aor," ta report nung ashi.

Myanmar mitkar mesüra mitkar tenüng nung Myanmar nung nok-nü ayoker dangi indang indanga shipment tem aoba mesüra danga oset dang khenyongi balaka aliba 12,500 dak tema jangjateta lir.

"Tashiyim amshia sorkar atsüngdokba sülen Myanmar mitkar nem osettsüset balala agütsüba ya tesüngmangtsüka aika lir. Mitkar temi nok-nü den fighter jets aser drones atema hadir, osangtsüsang agitepba oset asr navy ships atema oset tem dena lir."

Myanmar nung mitkar temi sorkar tsüngdokba ajanga rongrong tulu adoka nüburtan longkak ait tenzük. Mitkartem anema nokdaker pua merenshiba aser tepsetba anema telok balala nok-nü amer nokdak aser mapang talangka nungi ethnic armed group tem mitkar den rara arua alirtem mitkar tashishirtem den raratsü

asoshi People's Defence Forces (PDFs) nung aden.

PDFs ya National Unity Government (NUG) den sendaktepa lir, koba mitkar temi atsüngdokba legislator aser mitkar temi yimsü asüba anemer temi tentetba sorkar ka lir.

Mitkar temi parnok anemer ajemreptsü meranga meimchir temeden rakzüker aser tatalokba karbo 'war crimes' aser 'crimes against humanity' den kasa lir ta UN aser rights group temi ashir.

Geneva nung aliba UN indang Human Rights Council nem report agütsüba nung Andrews-i ashiba agi, taoba ita central Sagaing region kübok Pazigyim yimtsüng nung amakba yagi resistance forces aser sepaitem tsünga anogoshi amai raraba sayur.

NUG office tasen lapokba temaitsü tanurtem densema yimdaklir 300 shi adenshia lia Russia-i yangluba Yak-130 fighter jet ajanga yangji bomb tuozük seret 250 tsükdaktsü.

"Iba bomb yagi tetsür, tebur aser tenurtem temang shisa aser parnok takep mitsü akum aser zübu tamajung kettsü," ta report nung shia lir.

Yamaji lia ano Mi-35 attack helicopter anati takum alirtem aser yirur alir yaritsü meranger dak injang khaloktsü.

Iba lendong nung nisung 160 asü aser item rongnung nisung 59 dang jangjatet, ta report nung ashi. "Iba lendong ya Myanmar mitkar temi meimchir anema aser Myanmar nüburtan anema war crimes inyakba tatishitsü ka lir," ta ashi.

Report ajanga ashiba agi, Russia ket nungi sen million \$406 jenjang nok-nü aser sendaktepa aliba hadir alizük, China nungi sen million \$254 jenjang aser Singapore nung aliba company balala nungi sen million \$254 jenjang alizük.

India (sen million \$51 jenjang) aser Thailand nungia sen million \$28) jenjang nok-nü yok.

Russia, China aser India nung sorkar meyong entities tem ya nok-nü aser hadir balala agütsürtemi lir, ta Andrews-i jangjatet.

"Sen million \$947 jenjang nok-nü dak sendakba shishilempaba tem Myanmar mitkari azüokba entities tem dangi ao, tatishitsü agi Directorate of Procurement, Directorate of Defense Industries mesüra Myanmar Air Force mesüra Tatmadaw Basic Training School ama mitkar indang kongsang tejangja dangi ao," ta report nung ashi.

Tetetzü otem hadir aser osettsüset shishilempaba documents tem nung tagizüker ya mitkar ta tejangja sayur.

Iba osang ya pa dak alia aor aser ozüng agi mela nok-nü shishilempaba tai kumtsür, ta Russia aser China linüki aitsür.

India-i ashiba agi, sorkar meyong company tem densema arms contract ya taoba sorkari zülutepba lir.

Sür Küm 2 Ajunger



Onoki kanga meima aliba jabaso menungra bilemteter

K Tiasunep Tzudir
(6th April 1978 - 19th May 2021)

Pilaogo saka kodanga mamatsü
Na onok mulungjang nung teti lir.

~Temeim Kinungertem aser na meimertem.

Office of the Longsa Yimsoshir Zünga

TETUSHI KHONANG

Wb. C. Imtiakum Jamir, Asür Wb. Chubarenba Jamir aser Asür Wt. Temjenchila Longkumtsur na jabaso, Government mapa tenzükba wadang nung Joint Secretary, Justice and Law Department nungi Additional Secretary, temaba jenjang nung ajungketba asoshi pelaba sangdonger.

Tsüngremi nüburtan tenzüksü asoshi shisatsü aser arishi den teti anema aliba taküm moajang ta zünger ajak tamang sarasadem.

Sd/-
I. Limangangshi Jamir
Convener

Sd/-
L. Imtionen Pongen
Secretary

Japan nung G7 senden atema US Tir Joe Biden tongogo

Hiroshima, Monupii/May 18 (Agencies): Ukraine nung Russia-i raraba aser China tashi ulua akumba indang tebilemtsü nung temolung tali agütsür amentsü aliba Group of Seven (G7) senden asoshi United States Tir Joe Biden shilangogo.

Hiroshima nung iba senden amendang Biden-i G7 linüktem dang Ukraine nung rara anendaktsütsü asoshi Moscow dak tsükshitsü aser Beijing den tokteptsü asoshi par administration-i merangba nung dendaktsütsü imlar.

Anogo asem iba senden ya metenzük dang iba senden ayonger Japan indang Ato Kilonser Fumio Kishida den Brehostibarnü Biden-i jembishinü tenzük.

Kishida-i G7 lenirtem Hokulbarnü Hiroshima Peace Memorial Park nung agizüksü,



koba atomic bomb Japan aser European mezüngbuba apokba tesem temaitsü lir.

G7 züngsem - Canada, France, Germany, Italy, Japan, Washington-i aginüba ama inyaktsü nungnanger.

Russia nung dang osettsüset ayokba okshia nokdangtsü US-i onük ka benokba taoba ita Japan aser European linüktemi magizük, keshiaser yangji tetsükdaktsü lir ta parnoki angateter.

Taoba küm Ukraine amak tenzük Russia-i shibangba natural gas pipelines tem teti atema shibangtsü onük benokba atema European diplomats temi khuret lemsatepogo.

Biden ya Papua New Guinea aser Australia semdangtsü aliba thir G7 summit nung adener, keshiaser pa tekeraba nung linüki Beijing dak tsükshitsü imlar saka temerenshi agütsüba tsütsü koba tashi aotsü, yangji telemsa adoker.

Congress den jembishinüba nung pa shilem aginer.



Sri Lanka indang civil war tatemlen asürtem bilemteta Colombo, Sri Lanka nung May 18, 2023 nü Catholic putir kati sentong ka agidang aji temdangsunangtsü meranga ethnic Sinhala nationalists temi Tamil nung anema yimyim ayima placards sayuba noksa nung angur. Brehostibarnü Sri Lanka nung linük indang civil war tembanger küm 14 ajungba anogomung mungogo, kong nisung 100,000 tepseta liasü, ta United Nations-i asadangteta lir. Saka asangsang nung asürtem ya kanga agi timba alitsü südi ta amanger.



Wrestler Sakshi Malik, Bajrang Punai, Vinesh Phogat aser Sangeeta Phogat aser tangartem Wrestling Federation of India tir Brij Bhushan Sharan Singh anema longkak aitba mapang tangokba noksa nung angur.

Olympic atema India tetsür team Japan, Uzbekistan & Vietnam den ataogo

Monupii/May 18, 2023 (Agencies): India tetsür football team Women's Olympic Football Tournament Paris 2024 round 2 atema Bresthostibarnü Asian Football Confederation (AFC) House, Kuala Lumpur, Malaysia nung draw asüba mapang Japan, Vietnam aser hosts Uzbekistan den ataogo.

Ranking dak ajemdaker team 12 ya pot pezü küma lemsar toxtsü aser Group asem küma lemsa liasü. Team 12 nungi ana dang Paris 2024 nung asayatsü asoshi maongka angutsü.

Group A hosts Australia, Chinese Taipei, Philippines aser Islamic Republic of Iran den ataogo.

AFC Women's Asian Cup

2022 koba India nung asaya liasü, iba asayamung akokba China PR team Group B nung top seed team lir aser hosts Korea Republic, Thailand aser DPR Korea den parnok asayatsü.

Women's Olympic Football Tournament Paris 2024 draw: Group A: Australia (H), Chinese Taipei, Philippines, IR Iran

Group B: China PR (H), Korea Republic, Thailand, DPR Korea

Group C: Japan, Vietnam, Uzbekistan (H), India

Round 2 nung asayatem October 23 nungi November 1 nü tashi asayatsü, kong group asem nungi takoker aser runners-up team tem rongnung

tajungtiba ka ta team pezü round 3-i aitsü aser parnok home aser away ta asayatsü, koba 2024 küm February 24 nungi 28 tashi asayatsü. Iba round nung temaba jenjang nung tembangba team anati Women's Olympic Football Tournament Paris 2024 atema Asia asoshi jenjang ana mekazükja aliba agitsü.

2020 Olympic nung asayamung ayongba Japan team quarter-final nung Sweden-i tsükdaktsü aser bronze medal atema USA den kanga toktepa asayaba sülen Australia pezübuba nung tembanga liasü. China PR-i Atlanta 1996 nung silver medal angu aser Japan-ia London 2012 nung silver ngua liasü.

Nick Kyrgios French Open nung shilem magitetsü



Monupii/May 18, 2023 (Agencies): Nick Kyrgios temekok surgery agiba agi masü saka nisung kati prangbong agi teneter pa indang gari auyar aotsü merangba mapang tetsüng arangba ajanga French Open nung masayatetsü, ta pa indang agent-i ashi.

French Tennis Federation-i iba hopta sangdong ka ajanga Australia nung asayar ya January surgery agiba ajanga Roland Garros nung shilem magitetsü ta sangdonger liasü.

Ajisüaka pa indang agent-i Canberra Times dang ashiba agi, pa temekokbo junga dang

lir, saka pa tetsüng kanga mejungi arangba ajanga Paris nung taruba hopta masayatetsü.

"Temekok surgery kanga takok ngua agi aser rehabilitation kanga junga agiba sülen onok court nung ayaoka inyaksangshi tenzükja liasü," ta Daniel Horsfall-i iba osang kakat dang ashi.

"Pa set pongu asayatetsü masayatetsü aji jangjatsü nungdaka liasü. Onok inyaksangshi tenzükja aliba mapang lendong ajurua liasü.

"Auer-i prangbong agi teneter auyatsü merangba mapang pa tetsüng kanga

mejungi yiru. Tetsüng yirur aliba ya taneptsü junga monguteti arudar aser pa asayatsü mesademi lir, anungji pa joko hopta anashi court-i ia masayai arudar," ta paisa ashi.

Iba ita tetenzüklen nisung kati Kyrgios tetsü dak prangbong agi teneter Canberra nung par ki anasa pa indang lime-green Tesla gari auyar ao.

Arishi küm 28 tain Kyrgios shiba iba tesem anasa liasü pai police aja aser pa indang phone nung app ka amshia gari yua aliba tesem jangja liasü. Pa tetsüng kodaser arang iba indang osang tejangja memetet.

2022 Wimbledon finalist, shiba tang alima nung jenjang 26buba nung lir pa 2017 küm tanabuba round nung tsükba sülen tang tashi nung French Open nung khen danga asaya mali.

Kyrgios atema taküm ya küm tamajung ka lir. February ita taoba mapang pa tetong dak teka sangshiba atema aibelenba nangzükja liasü aser kasa mapang nung taoba hopta tetsüa süogo.

Archery World Cup: Prathamesh, Avneet na Semifinals-i iogo

Monupii/May 18, 2023 (Agencies): Archery World Cup Stage 2 nung Bresthostibarnü recurve archers tem tsükba sülen compound asaya nung India nung lanur asayar Prathamesh Jawkar aser Avneet Kaur nati Korea nung asayatem koka semifinal-i iogo.

Arishi küm 19 tain Jawkar-i individual compound quarterfinal nung Korea nung eighth seed asayar 149-148 agi koka liasü. Jawkar semifinal nung Estonia nung asayar Robin Jaatma den asayatsü.

Kasa mapang nung arishi küm 18 tain Avneet-i, pre-quarterfinals asaya nung Korea nung top-seed asayar Oh Yoo Hyun 142-142 (10*-10) agi koka liasü. Iba sülen Avneet-i quarterfinal nung Mexico nung asayar Dafne Quintero 147-144 agi kokogo aser England nung asayar Ella Gibson den semifinal asayatsü.

Prathamesh aser Avneet na tang mezüngbuba World Cup nung kija asaya nung medal kaka angutsü atema asaya kaka dang ajangettsü nungdaka lir.

Bresthostibarnüsa tebur recurve team events quarterfinals nung India nung

asayatem Korea team-i tsükdakja liasü.

India recurve team nung Dhiraj Bommadevara, Atanu Das aser Neeraj Chauhan nung top-seeded Korean team nung asayar Lee Woo Seok, Kim Je Deok aser Kim Woojin nung 0-6 (54-55, 56-57, 54-59) agi koka liasü.

India tebur recurve team mezüngbuba Chinese Taipei den asaya aser kanga meranga asayaba sülen parnok iba asaya 5-3 (57-57, 56-58, 57-56, 58-51) agi koka liasü.

Kasa mapang nung tetsür team nung Simranjeet Kaur, Avneet Kaur aser Ankita Bhakat nungeria junga masayateti mezüngbuba round nung tsüka liasü.

India tetsür team parnok dang nungi tekübokba jenjang nung aliba Indonesia team-i 5-1 (54-57, 57-57, 50-52) agi ayong ayonga koka liasü.

Recurve team events nunga tarep temeyoktep asayar Dhiraj Bommadevara aser Simranjeet Kaur na dak dang timla lir.

Qualifiers nung pongububa nung tembangba sülen parnok recurve mixed team draw nung tanabuba round atema bye ngua liasü.

IPL 2023: LSG nung Unadkat melen Shedge shimogo



New Delhi, Monupii/May 18 (Agencies): Lucknow Super Giants (LSG)-i Mongolbarnü sangdong ka ajanga yirur alisang Jaydev Unadkat melena all-rounder Suryansh Shedge shimba sangdongogo.

Unadkat, training session ka nung tapu tabelen yiruba sülen IPL nung tanungba asayatem nung shilem magitetsüsa kümogo.

Sangdong ka ajanga LSG-i, Unadkat melena Suryansh Shedge Indian Premier League (IPL) 2023 nung tanungba asayatem atema team nung densemba metetdakja liasü. MI-i Shedge ya sen lakh 20 agi alizükja liasü.

"Lucknow Super Giants (LSG)-i Bresthostibarnü TATA Indian Premier League (IPL) 2023 nung tanungba asayatem atema Jaydev Unadkat melena Suryansh Shedge alizükogo," ta LSG-i ashi.

Arishi küm 20 tain Suryansh Shedge, ya taoba season nung Mumbai indang Ranji squad nung züngoksemer liasü. Pai U-25 State A Trophy nung asaya ti nung run 184 yanglu aser wicket 12 agia liasü.

LSG captain, KL Rahul yiruba kasa anogo Unadkat-a yirua liasü. May 1 nü Royal Challengers Bangalore den asayaba mapang ball ka arishidang Rahul tetsüng tachichilen yirua liasü.

IPL nung tanabuba season asayaba mapang Lucknow Super Giants puri asaya 13 nung point 15 nguteta parnok tang tasembuba nung lir. Tang tashi nung asaya tenet akokba den asaya pongu makokba sülen parnok playoff-i aitsü asoshi mejangjai lir aser Honibarnü Kolkata Knight Riders den asayatsü aliba asaya ya akoktsü nungdaker.

BILEMDANGANG

"Pela linüra temaotsütem teti züngdanga liang."